

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### আগামীকাল সোমবার বরিশালে শুরু হচ্ছে আমেরিকা সপ্তাহ

ঢাকা, ২৩শে জানুয়ারি -- বাংলাদেশের জনগণের কাছে পৌঁছে যাবার অব্যাহত প্রচেষ্টার অংশ হিসেবে যুক্তরাষ্ট্র দূতাবাস আগামী ২৬শে থেকে ২৮শে জানুয়ারি বরিশালে “আমেরিকা সপ্তাহ” আয়োজন করেছে। রাজধানী ঢাকার বাইরে বসবাসকারী লোকজনের কাছে যুক্তরাষ্ট্র দূতাবাসের কার্যক্রম উপস্থাপন করার মাধ্যমে যুক্তরাষ্ট্র ও বাংলাদেশের জনগণের মধ্যে যে বন্ধন রয়েছে ‘আমেরিকা সপ্তাহে’ তাই তুলে ধরা হয়। পূর্ববর্তী আমেরিকা সপ্তাহগুলো চট্টগ্রাম, খুলনা, রাজশাহী এবং সিলেটে অনুষ্ঠিত হয়েছে।

বরিশালে যুক্তরাষ্ট্র সরকারের অর্থায়নে পরিচালিত যে সব কর্মসূচি রয়েছে সেইগুলো জনগণের সামনে উপস্থাপন করা হবে এবারের আমেরিকা সপ্তাহে। বিভিন্ন প্রকল্পগুলোও ঘুরে দেখা হবে। যুক্তরাষ্ট্রের কোন বিশ্ববিদ্যালয়ে অধ্যয়নের সুযোগ লাভ করা যায় কিভাবে, কিভাবে ভিসার জন্য আবেদন করতে হয় বা যুক্তরাষ্ট্র সরকারের কোনো উন্নয়ন প্রকল্পে কিভাবে অংশগ্রহণ করতে হয় -- আমেরিকা সপ্তাহের অনুষ্ঠানগুলোতে আগত দর্শনার্থীরা তা জানার সুযোগ পাবেন। যুক্তরাষ্ট্র দূতাবাস একটি জ্যাজ সঙ্গীতানুষ্ঠানের এবং সেই সাথে নন্দিত আমেরিকান চলচ্চিত্র প্রদর্শনীরও আয়োজন করেছে।

পূর্ববর্তী ‘আমেরিকা সপ্তাহ’-গুলোর ধারাবাহিকতা বজায় রেখে দর্শনার্থীরা এ বছরও যুক্তরাষ্ট্র দূতাবাস, যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) ও এর উন্নয়ন সহযোগী প্রতিষ্ঠানসমূহ এবং যুক্তরাষ্ট্রের কিছু ব্যবসা প্রতিষ্ঠান কর্তৃক পরিচালিত ৪০টি বুথ পরিদর্শন করতে পারবে। এই সকল বুথ বরিশাল ক্লাব এবং বরিশাল কমিউনিটি সেন্টারে স্থাপন করা হবে এবং এই দু’টি স্থানে বেশ কিছু অনুষ্ঠানও হবে। বুথগুলো ২৬শে জানুয়ারি তারিখে সকাল ১১টা থেকে বিকেল ৫টা এবং ২৭ ও ২৮ জানুয়ারি সকাল ১০টা থেকে বিকেল ৫টা পর্যন্ত খোলা থাকবে।

=====

জিআর/২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।